



**REPUBLIKA E SHQIPËRISË  
KOMISIONI QENDROR I ZGJEDHJEVE**

**VENDIM**

**PËR MIRATIMIN E LISTAVE SHUMEMËRORE TË KANDIDATËVE PËR ANËTARË NË  
KËSHILLIN E BASHKIVE TË DEPOZITUARA NGA PARTIA ORA E SHQIPËRISË, PJESTARE  
E KOALICIONIT "SHPRESA PËR NDRYSHIM", PËR ZGJEDHJET PËR ORGANET E  
QEVERISJES VENDORE TË VITIT 2019**

Komisioni Qendror i Zgjedhjeve në mbledhjen e datës 22.05.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me:

**OBJEKT:** Për miratimin e listave shumemërore të kandidatëve për anëtar në Këshillin e Bashkive të paraqitura nga Partia Ora e Shqipërisë, pjesëtare e Koalicionit "Shpresa për Ndryshim", për zgjedhjet për organet e qeverisjes vendore të datës 30 qershor 2019.

**BAZË LIGJORE:** Neni 23, pika 1, germa "a", dhe neni 73, pika 1, të ligjit nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar.

Komisioni Qendror i Zgjedhjeve pasi shqyrtoi dokumentacionin e paraqitur nga Partia Ora e Shqipërisë, si dhe dëgjoji diskutimet e përfaqësuesve të partive politike,

**V Ë R E N:**

Partia Ora e Shqipërisë, me vendimin e KQZ-së nr. 151, datë 15.04.2019, është regjistruar si subjekt zgjedhor për zgjedhjet për organet e qeverisjes vendore të vitit 2019. Me vendimin e KQZ-së nr. 273, datë 10.05.2019, është regjistruar koalicioni "Shpresa për Ndryshim", pjesë e të cilit është dhe "Partia Ora e Shqipërisë".

Në bazë të nenit 67, dhe nenit 72, të ligjit nr. 10019, datë 29.12.2008 "Kodi Zgjedhor i Republikës së Shqipërisë", ka depozituar në KQZ listën shumemërore të kandidatëve të saj për anëtar në Këshillin e Bashkive: Lezhë, Kamëz, Tiranë.



**Nr. 622 i Vendimit**

**Data 22.05.2019**

**Ora 17:00 e Vendimit**

Për miratimin e listave shumemërore të kandidatëve për anëtar në Këshillin e Bashkive të paraqitura nga "Ora e Shqipërisë", pjesëtare e Koalicionit "Shpresa për Ndryshim", për zgjedhjet për organet e qeverisjes vendore të datës 30 qershor 2019

Në bazë të nenit 67, pika 3, KQZ duhet të regjistrojë kandidatët për kryetar apo për këshillin e bashkive; Lezhë, Kamëz, Tiranë; pasi bashkitë: Lezhë, Kamëz, Tiranë administrohen nga më shumë se një KZAZ.

KQZ, ka vendosur kthimin për plotësim të listës shumëmemërore të kandidatëve për këshillin e bashkive:

- Lezhë me vendimin nr. 464, datë 17.05.2019.
- Tiranë me vendimin nr. 434, datë 16.05.2019.
- Kamëz me vendimin nr. 468 datë 17.05.2019.

Brenda afatit Partia Ora e Shqipërisë, ka plotësuar dokumentacionin sipas vendimit të KQZ-së për Bashkinë Tiranë, Kamëz dhe Lezhë.

Bashkëlidhur kërkesës për regjistrimin e listës shumëmemërore për këshillin e bashkiive Lezhë, Kamëz, Tiranë është depozituar dhe dokumentacioni përkatës, si më poshtë:

1. Listat shumëmemërore të kandidatëve për anëtar në Këshillin e Bashkisë Lezhë, Kamëz, Tiranë
2. Deklaratat e kandidatëve të listave shumëmemërore, të cilët deklarojnë se gëzojnë të drejtën dhe vullnetin për të kandiduar për anëtar këshilli në Këshillin e Bashkive: Lezhë, Kamëz, Tiranë, të propozuar nga Partia Ora e Shqipërisë;
3. Kopje të dokumentit të identifikimit për të gjithë kandidatët e listave shumëmemërore;
4. Vërtetimet e Kuvendit të Shqipërisë, për zotërimin e 6 mandateve të z. Koçi Tahiri, zj.Elda Hoti, zj.Majlinda Halilaj, z. Zef Shtjefni, z.Kostaq Papa, z.Adriatik Alimadhi, dorëzuar me shkresën përcjellëse me nr. 4031 prot, datë 20.05.2019 sipas të cilit vërtetohet se koalicioni zotëron 6 mandate në Kuvend sa numri i partive pjesëmarrëse.
5. Jetëshkrimin për të gjithë kandidatët e listës shumëmemërore;
6. Formularin e vetëdeklarimit, në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".
7. Procesverbal i dorëzimit të dokumentave të kandidimit.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", verifikoi të dhënat në formularët e vetëdeklarimit për secilin kandidat të listës shumëmemërore. Nga verifikimi i të dhënave në formularin e vetëdeklarimit, asnjëri prej tyre nuk ka deklaruar asnjë të dhënë që ka të bëjë me parashikimet për ndalime në ligjin nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike".

Komisioni Qendror i Zgjedhjeve ka kërkuar informacion nga zyra e gjendjes gjyqësore dhe zyra e gjendjes civile nëpërmjet shkresave si dhe nëpërmjet postës elektronike për kandidatët për anëtarë në këshillin bashkiak, që kanë dorëzuar formularët e vetëdeklarimit në Komisionin Qendror të Zgjedhjeve, sipas së cilës për bashkinë Lezhë rezultojnë të padënuar nga gjykatat shqiptare.

Zyra e gjendjes gjyqësore nuk ka dërguar në Komisionin Qendror të Zgjedhjeve, verifikimin e gjendjes gjyqësore për kandidatët për anëtarë në këshillat bashkiak, Bashkia Tiranë dhe për Bashkinë Kamëz. KQZ do të vazhdojë e procedurat të mëtejshme për verifikim.

Komisioni Qendror i Zgjedhjeve, referuar pikës 2, paragrafi i fundit, të kreut V të vendimit nr. 17/2016 të Kuvendit, konstaton se për personat e shënuar në listën shumëmemërore të bashkisë Lezhë, Tiranë dhe Kamëz të dhënat e tyre nuk përbëjnë kusht për mosregjistrimin si kandidatit për këshillin e bashkisë, sipas ligjit nr. 138/2015.



KQZ gjithashtu ka bërë publikimin e formularëve të vetëdeklarimit në faqen zyrtare të internetit.

Në mbledhjen e datës 22.05.2019 në bazë të nenit 73, të Kodit Zgjedhor, Komisioni Qendror i Zgjedhjeve verifikoi listat shumëmemërore të kandidatëve për këshillin e Bashkisë Lezhë, Tiranë dhe Kamëz të Partisë Ora e Shqipërisë dhe dokumentacionin bashkëngjitur të paraqitur dhe konstatoi se është në përputhje me kërkesat e parashikuara nga neni 67, pika 2, 4, 5 dhe 6 dhe neni 72 të Kodit Zgjedhor.

### **PËR KËTO ARSYE:**

Komisioni Qendror i Zgjedhjeve mbështetur në nenin 23, pika 1, germa "a", nenin 67, pikat 2, 4, 5, dhe 6, nenin 72, dhe nenin 73, pika 1, të ligjit nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar.

### **V E N D O S I:**

1. Miratimin e listave shumëmemërore të kandidatëve për anëtarë të Këshillin e Bashkisë Tiranë, Kamëz dhe Lezhë, pjesëtare të Koalicionit "Shpresa për Ndryshim", në zgjedhjet për organet e qeverisjes vendore të datës 30 qershor 2019, sipas lidhjes nr. 1, bashkëlidhur këtij vendimi.
2. Ky vendim hyn në fuqi menjëherë.
3. Kundër këtij vendimi mund të bëhet ankim në Kolegjin Zgjedhor pranë Gjykatës së Apelit Tiranë, brenda 5 ditëve nga shpallja e tij.

<b>Klement</b>	<b>ZGURI -</b>	<b>Kryetar</b>
<b>Denar</b>	<b>BIBA -</b>	<b>Zv.Kryetar</b>
<b>Bledar</b>	<b>SKËNDERI-</b>	<b>Anëtar</b>
<b>Edlira</b>	<b>JORGAQI-</b>	<b>Anëtare</b>
<b>Rezarta</b>	<b>BITRI-</b>	<b>Anëtare</b>

